

Obra musical “Shon Trupial ta malo” tawata sin duda un gran éxito

ORANJESTAD - Fundacion Muchila Creativo in cooperacion cu Crea Kids y Sra. Alba Robert di Maria School, Sra. Emerita Emerencia, Stimaruba y tres integrantenan di Dutch Chamber Music Company (DCMC di Hulanda) a trece e obra musical “Shon Trupial ta malo”, cual ta un storia musical di Compa Nanzi.

E storia a wordo skirbi door di Sra. Sandra Fun y composicion musical tawata a cargo di Tijmen Wehlburg; un gran violinista y compositor di Hulanda cu ta forma parti di DCMC. “Shon Trupial ta malo”, a wordo presenta pa scolnan preparatorio, muchanan y nos grandinan di San Michael paviljoen.

E presentacion aki a sali for di e proyecto “Compone den klas” cual a tuma lugha aña pasa na mei na Maria School cu e studiantenan di e prome aña di IPA y alumnonan di 4^{de} y 5^{de} klas di Maria School. E tayer aki ta forma un parti di e curiculo di musica cual e estudiante ta haya den e prome aña na IPA.

Na Augustus 2010 e alumnonan di Maria School tabata tin necesidad pa sigui cu Arte despues di scol. Nan a cuminsa traha na comienso bao guia di algun estudiante di e segundo aña y algun estudiante di e ultimo aña di IPA na e storia aki.

Durante e ultimo lunanan mas o menos 25 alumnonan di Maria School a traha como un “pilot” project di Fundacion Muchila Creativo en cooperacion cu Maria School tur diabierna atardi despues di scol bao guia di Carmen Statia y Rose-Marie Provence (ambos di Muchila Creativo cu a traha voluntariamente na e proyecto aki).

Durante e encuentronan a traha cu e muchanan na e cuatro disciplinan di arte; cualnan ta arte visual, musica, teatro y baile. E letra di e canticanan a wordo skirbi door de crea kids y presenta durante e storia musical.

Meta di e “pilot” project ta pa muestra con bo por desaroya habilidadnan cognitivo, creativo, emocional y social pa

medio di arte. E muchanan a duna nan grupo un nomber y aki a sali Crea Kids.

Bao guia di Rudberth Wolff crea Kids a pinta ilustracion pa e storia di Shon Trupial ta malo y asina nan a traha un buki grandi. Tambe nan a siña tecnica di Rudberth con pa schets nan mesun logo.

Sr. Tijmen Wehlburg di Hulanda a compone musica y 3 canticanan riba texto cu e alumnonan mes a skirbi. Cantica di entrada a wordo skirbi pa Rose-Marie Provence. Sr. Tijmen Wehlburg (viool) Sr. Raymond Vievermans (Trompet) y Sr. Han Vogel (percussionist) a bin for di Hulanda pa presenta e bunita storia musical aki. Tur tres musico ta musico cu nomber renombra y nan ta integrante di “Het Brabants Orkest” y Dutch Chamber Music Company. Sr. Han Vogel a duna tambe 2 dia di tayer “compone den klas” na e studiantenan di e prome aña di IPA, cual riba nan turno mester a practica riba e di tres dia cu e alumnonan di klas 5 di Maria School.

Den e storia aki cu ta trata nos mondi di Seri Noca, hopi bestia local y tambe nos naturalesa a wordo menciona. Sra. Olinda Rasmijn di Stimaruba a percura cu e bestianan y nos matanan, manera palo di kwihi y watapana, a wordo proyecta cu power point durante cu Sra. Alba Robert a lesa e storia y asina e publico por a observa nos propio flora y fauna riba background di e obra.

Durante e storia musical Sra. Emerita Emerencia, kende ta un gran artista Arubano cu hopi experiencia den mundo di teatro na Canada y internacional, a expresa algun di e bestianan na un manera hopi profesional.

Sra. Emerencia tin un trayectoria hopi largo. Algun di su highlights tawata na aña 1980 na unda e la ricibi e prome Chalmers Award, di Ontario Arts Council, pa bay sigui studia theater y apprentice Theater na New Federal Theatre na New York bou di direccion di Broadway producer, Woody King Junior cu a produci e “award winning”



Muchanan di Cayena Kleuterschool na Noord

produccion di, For Colored Girls.

E siguiente aña, e produccion aki a gana un Dora Mavor Moore Award pa: Outstanding Performance, Excellence and Innovation.

Despues a sigui un carera den television, pelicula, theater, radio, baile Africano, cu Usafiri y musica percusivo, cu Upe Farley’s Ensemble.

Na aña 1990, Emerita a cuminsa un etapa nobo den su carera, caminda el a cuminsa skirbi, actua y produci su mesun shownan y tour cu nan rond Ontario. E la produci 8 “One Woman Shows” na tur. Emerita, su tour tawata consisti di un averahe di 150 show pa aña durante varios añanan.

Banda nos artistanan profesional Crea Kids no a keda atras.

Nan a haci tambe un bunita trabao.

Cinco alumno a toca cuarta y 9 alumnonan a canta e canticanan y a baila pa anima e publico durante e storia musical. E tawata un bunita experiencia pa e muchanan y sin duda nan a siña hopi durante nan gira musical. Crea Kids kier stimula mas mucha pa dedica nan tempo na arte pa asina por desaroya nan habilidadnan creativo cual ta stimula nan desaroyo cognitivo, social y emocional.

Ya como e proyecto aki tawata na inicio un “mini Project”, y cu nos no tin ningun financiamiento pa paga gastonan di huur di sala y otro gastonan, a opta pa duna presentacion na



Highlight con Compa Nanzi a bin cu su idea pa cura e trupial pa medio di musica.



Participantenan di Shon Trupial ta malo

cierto luganan so den bario. A scoje pa dos scolnan preparatorio, Cayena Kleuterschool na Noord y Rayo di Solo kleuterschool na San Nicolas. Banda e dos presentacion pa scolnan preparatorio tawata tin un presentacion na San

Michael Paviljoen, Antraco y na Club San Martin.

Nos grandinan tambe a pasa un momento hopi agradabel cu e storia musical Shon Trupial ta malo. E storia aki tin un bunita mensahe; cu musica ta cura bo y ta trece alegria den cada persona.

Nos kier menciona cu e presentacion di e storia musical Shon trupial ta malo no tawata posibel cu ayudo di e siguiente personanan; Rudberth Wolff pa e bunita diseño di e poster, flyer, booklet, (Danki Rudberth cu bo ta para semper cla na tur momento pa yuda Muchila Creativo.

Nos ta aprecie masha hopi mes, sin bo ayudo nos no por a haci tanto proyectonan) Sr. Ryan Maduro y su Sra. Nella Maduro cu a percura pa transporte, sound system,

potretnan y design di e bunita t-shirts di Crea Kids. Sr. Angel Coronel pa e filmacion, Arubaanse Muziekschool y Sr. Carlos Bislip pa fia instrumentonan musical.

Mester menciona cu Arubaanse Muziekschool bao guia di Sr. Chucho Hoek semper ta para cla pa yuda na un of otro manera.

Nos ta hopi agradecido pa esaki. Danki na Sra. Sandra Fun pa skirbi e storia bunita aki special riba peticion di nos.

Sra. Joyce Pereira, danki pa coreccion di e storia na papiaemento.

Tambe FMC kier gradici SKOA y Inspectie di enseñansa pa nan cooperacion y tambe e cabesante Sra. Alba Robert y Carmen Statia Interne Begeleider di Maria School pa nan tremendo cooperacion y innovacion di arte den enseñansa.

E tawata un gran placer pa traha cu boso durante e ultimo aña.

Fundacion Muchila Creativo kier gradici tur esnan cu a yuda na un of otro manera. Nos ta spera di por contribui cu mas proyectonan educativo pa comunidad Arubano y promove arte den tur sentido pa tur edad. □

E storia a wordo skirbi door di Sra. Sandra Fun y composicion musical tawata a cargo di Tijmen Wehlburg; un gran violinista y compositor di Hulanda cu ta forma parti di DCMC.